

# Hvað finnst þér?

Nú gefst íbúum tækifæri til að láta skoðun sína í ljós hvað varðar skipulag leikvalla í Stykkishólmsbæ. Sett hefur verið upp netkönnun til að kanna vilja fólks í þeim efnun og verður opinn samráðsfundur haldinn í kjölfarið.

Eins og fram hefur komið á vefsíðu Stykkishólmsbæjar var bærinn valinn einn af fjórum sveitarfélögum til að taka þátt í íbúasamráðsverkefni sem sett var á legg af Sambandi íslenskra sveitafélaga og Akureyrarbæ. Verkefnið snýst um að aðstoða þátttöku-sveitarfélögin við að beita þeim samráðsaðferðum sem kynntar eru í handbók sambandsins frá 2017: „Íbúasamráð í sveitarfélögum og þátttaka íbúa“. Auk Akureyrar voru Kópavogur, Stykkishólmur og Norðurþing valin til þátttöku í verkefninu.

## Íbúasamráð um leikvelli

Verkefni Stykkishólmsbæjar snýr í meginráttum að því að fá íbúa til samráðs um skipulag og útfærslu leikvalla í bænum. Með því er leitast eftir að gefa íbúum tækifæri á að koma sínum sjónarmiðum á framfæri og nýta krafta þeirra og þekkingu til þess að gera breytingar sem henta íbúum bæjarins. Lokaafurð þessa verkefnis er ekki eingöngu góðir leikvelli og breið sátt um þá, heldur einnig aðferðafræði sem nýta má við fleiri ákvarðanir Stykkishólmsbæjar þegar fram líða stundir.



Leikvöllur í Stykkishólmi.

Þeir Magnús Ingi Bæringsson, tómsunda- og æskulýðsfulltrúi, Gunnlaugur Smárason, bærjarfulltrúi, og Jón Sindri Emilsson, aðstoðarmaður bærjarstjóra, mynda vinnuhópinn sem leiðir verkefnið undir stjórn bærjarstjóra.

## Mikil vinna nú þegar unnin

Skipulag leikvalla í Stykkishólmi hefur lengi verið í umræðunni og mikil vinna hefur nú þegar átt sér stað. Árið 2012 var unnin vönduð skýrsla um framtíðarskipulag göngu-leiða, stíga og leikvalla í landi Stykkishólmsbæjar. Skýrslan og þær hug-

myndir sem kynntar voru í henni voru teknar til umfjöllunar m.a. í umhverfis- og náttúruverndarnefnd og íþrótt- og æskulýðsnefnd og var niðurstaða nefndanna í meginatriðum sú að fækka stórum leiksvæðum frá því sem fram kemur í skýrslu frá árinu 2012 og leggja í því sambandi áherslu á að stærri leikvelli yrðu staðsettir við Lágholt og Skúlagötu, ásamt því að skoða möguleika á minni leikvöllum fyrir yngsta aldurhópinn inn í öðrum hverfum bæjarins. Voru tillögurnar teknar fyrir í bærjarráði og bærjarstjórn og fengu jákvæðar undirtektir og var bærjarstjóra falið að vinna málið áfram með hliðsjón af fram komnum tillögum og leita samráðs við íbúa.

Í ágúst mánuði síðasta árs gekk bærjarstjóri ásamt bærjarfulltrúum og öðrum fulltrúum bæjarins með íbúum um öll hverfi Stykkishólms og átti samtál um nánasta umhverfi, frágang og framkvæmdir í bænum,



Frá Umhverfisgöngu í ágúst 2019.

þ.m.t. leikvelli bæjarins. Þar var framtíðarskipulag leikvalla gert að umræðuefni og ekki annað að heyra en bærjarbúar væru sáttir við þær áherslur sem fram höfðu komið frá fastanefndum bæjarins.

Vinnuhópurinn fundaði fyrr í vetur með nemendum leik- og grunnskóla þar sem leitast er eftir að fá viðbrögð frá helstu hagsmunaaðilum, þ.e. börnum. Búið er að mynda stýrihóp til að halda utan um verkefnið í dag sem samanstendur af fulltrúum foreldrafélaga skólanna í Stykkishólmi ásamt fulltrúum frá öllum listum.



Frá íbúagöngu bærjarstjóra og tómsunda- og æskulýðsfulltrúa þar sem íbúar af erlendu bergi brotnu voru heimsóttir og farið yfir verkefnið.

Á dögunum gekk svo Magnús Ingi ásamt bærjarstjóra í hús þar sem íbúar af erlendu bergi brotnu voru heimsóttir í von um að fá þeirra

## Næstu skref

Fyrirhugað er að halda íbúafund á næstunni þar sem verkefnið verður kynnt nánar og íbúum gefinn kostur á að koma sínum hugmyndum á framfæri. Íbúafundurinn verður auglýstur síðar. Rétt er að það komi fram að tekið verður mið af þróun mála varðandi Covid-19 veirunnar, en einnig eru til skoðunar aðrir möguleikar til að koma upplýsingum á framfæri til íbúa, t.d. með upplýsingafundi sem streymt yrði á netinu.

Föstudaginn 27. mars sækja fulltrúar hinna þátttökusveitarfélagana í íbúasamráðsverkefninu Hólminn heim, kynna sér verkefni hvors annars og fá leiðsögn frá ráðgefandi aðilum sem koma að verkefninu.

Að lokum er ítrekað mikilvægi þess að Hólmarar taki þátt í netkönnun á vefsíðu bæjarins, [www.stykkisholmur.is](http://www.stykkisholmur.is), svo niðurstaða verkefnisins spegli vilja sem flestra bærjarbúa.

Magnús Ingi Bæringsson  
Gunnlaugur Smárason  
Jón Sindri Emilsson

